

Zu Ehren vnd Wolfart.

# Dem Ehrwürdigen in Got

Herrn Herrn Georgen Brueber Patter des  
Klosters Rhedorff ꝛ. Meinem Gene-  
digen Herrn.

**E**hrwürdiger in G D T / Genediger Herr / Erwer-  
b. Wunsch Ich Nicolaus Kenßberger Mathe-  
maticus ꝛ. von Got dem Vater / vñ vnserm Her-  
ren Jesu Christo / alle wolfart / glück / vnd ein langes leben /  
mit gesundtheit / beneben meinen willigen diensten / unge-  
sparts fleiß zuuoran. Genediger Herr / Diesweil viel  
irrtthumb vnd vnwissenheit von den vnuerstendigen / die  
doch / mainen Sy / sein so hoch erfarn biß an Himmel in diser  
kunst der Astronomey vnd Astrologey / welches inen doch  
gar weyt fehlet. Darumb so hab ich mich dises gegenwer-  
tigen wercks / als die Astronomey vnd Astrologey / inn  
vnsrer Mutter sprach in das Teutsch zubringen / also viel  
ymmer mehr möglich / vnderwunden. Vnd will dieses  
Büchlein theilen inn vier theil / oder Tractat / darnach  
ein yeden Tractat in seine Capitel.

A ij

Zm